

咸淳重修毗陵志

重修毗陵志卷第二十一

詞翰

記

宜興周將軍廟記

徐 錯

君字子隱義興陽羨人晉鄱陽太守勃之子少而躋  
弛任俠自處不護細行鄉人以爲暴焉嘗感父老之  
言以南山之虎長橋之蛟并已爲三害於是入山殺  
獸既而搏蛟浮沉三日竟斷之而出初里人以爲君  
之沒也室家相慶旣出始知人憲已之深也乃入吳

尋立陸而師之學成義矣以忠烈自處暮年而

府

交辟嗟夫觀過知仁則向之所爲非巨惡矣吳未爲無難督及王渾平吳置酒高會調吳琴曰諸君已國之餘得無戚乎君對曰漢室分崩三方鼎足魏滅於前吳亡於後已國之戚豈獨一人渾有慙色荆楚之烈氣凌太原兵滅之餘折而不撓又爲廣平太守積紀滯訟決之一朝君之果也於從政乎何有毋疾罷歸爲楚戶史徵拜散騎常侍君曰古入辭大不辭辭小乃先之楚化衍俗易然後從徵及居近侍多所規謂

遷御史中丞糾劾不避寵戚梁王彤違法君深文按之齊萬年反權臣惡君之強直以君計之移孝於君有死無二賊策之曰周君才兼文武若專斷而來不可當也如受制於人此成擒耳嗚呼盜有道焉其知之矣及大陌之役梁王爲帥軍又未食彤促令進而絕其後繼君自知必敗賦詩曰去去世事已策馬觀西殘藜藿甘梁黍期之克今終言畢而戰自旦至莫斬首萬計弦絕矢盡而援不至左右勸之退君以爲鑿門而出義不旋踵遂戰歿焉夫梁王以宗戚之責

義兼家邦非不知良材爲國之所馮蓋利欲之誘深而愛國之情淺也而况悠悠羣品安足言乎由是而言君之所按非深文矣夫姦臣之於直士其不含有三僥直不同嗜好亦異一也邪正相形才望相絕雖欲企尚不能効之撫心內愧遂成讎惡二也以小人之性度君子之心以爲善人之進必來排已三也有此三者至於反兵賢人既殞遂及於國大剖巢破卵鳳凰不翔殺犧頽犢聖人亦逝將軍既歿此西晉之所以淪胥也二子繼德此東晉之所以光啓也若旣

陰山鄉里稱之王嘗著陽羨風土記則精靈所遊留  
勝有在矣錯以癸亥奉詔爲祠臣東禱山嶽歷將軍  
之廟頤想先賢之高風周旋徜徉欲去不忍唯君之  
見危授命當官必理雖百代之王者願以爲臣焉郡  
縣既以時致祠敢即其圖像而爲頌曰深山大澤實  
生龍蛇左湖右瀆君子之家烈烈周君國之爪牙梁  
摧國圯圯也如何越在童羸所游非類見害則遷過  
而無遂耽耽白額擇肉朱殷矯矯長蛟瀆沫飛涎推  
斑碎掌闊草丹川無文竭行不與將落果足時遡見

機而作學成德備數我正庭所居成政所歷傳名敏  
而應敵正以持■亦旣霜臺糾斯強禦自親及疏何  
吐何茹翩翩權倖假國之威妬賢醜正言遂其私取  
彼賢人委之豺虎君實致身曾無二慮恭聞仙誥唯  
忠是與仰料將軍解形而去遼東千歲歸鶴來翔感  
加曰海魂魄還鄉矧茲蘋藻在渚之陽斯文曷補德  
實無疆

冥興長橋記

昔人作川梁以濟不通舟車所及纏連棋布若乃

勝傑大名聞天下者亦無幾陽羨其一也夫英賢之所踵次邑居之所瞻望山川之精粹宅焉里域之神靈憑焉廢而興之絕而續之豈惟備政足以徼福是橋也徵之譜謀則後漢邑令袁君所造國朝永泰中令丘新之其他無聞焉中興之初有義夫吳蒙吳須率以私帑備加營構人賴其利越三十載甲寅歲國步中梗于越寇邑人敗之燒營而遁飛烟旁及宏梁木摧甲寅歲著作佐郎劉君來為邑長視其制度知非民力之所能濟乃狀其事白于有司上聞嘉之

詔賜錢八十萬。君信而好古，寬而得眾。政是以和事無不舉，乃相與敷王澤。因民心備物，致用程功。揆日器利工善材良，事成戊辰歲冬而載。明年暮春而畢，長五十步廣七步，對縣樓而立。出跨荆溪而橫絕丹脈，其飾紛偃蹇而虹舒。崇高其軌邈，岩堦而山立。朱輪方軌，駕馬連騎。營營乎井憧憧，往來有衽席之安，無揭厲之患者。昔者乘車濟涉，聖人以爲難。橋梁不脩，宣父知其弗能以。古方今勝負分矣。書之考績，傳載異代。庸庸善善，其可廖乎！刻之貞珉，以示來者。唐下

歲春二月十五日記

宜興縣學記

朱熹

紹熙五年十二月宜興縣新脩學成明年知縣事承  
謨卽括蒼高君商老以書來請記而其學之師生迪  
功卽孫庭誼貢士邵機等數十人又跪其事以來告  
曰吾邑之學久廢不治自今明府之來卽有意焉而  
賤負不能遽給以其費乃稍葺其所甚敝亟補其所  
甚闕且籍閒田五千畝以豐其廩斥長橋倅金七十  
餘萬以附益之爲置師弟子員課試如法而又日往

遊焉躬爲講說開之以道德性命之旨博之以詩書  
禮樂之文使其知士之所以學蓋有卓然科舉文字  
之外者於是縣人學子知所向慕至於里居士大夫  
之賢者亦攜子弟來聽席下無不更相告語相勉勵  
而自恨其聞之之晚也退而相與出捐金齋以佐其  
役合公私之力得錢幾七百萬而學內外煥然一新  
堂塗門廡靡不嚴備象設禮樂皆應圖法蓋高君之  
於是學非獨其經理興築之緒爲可書而其所以教  
者則非今世之爲吏者所能及而邑之人才風俗實

亦未嘗不善也然考之於古則三登太平之世不常  
有而驗之於今則常平者獨其法今簿書筦鑰之僅  
存耳是何也蓋無人以守之則法爲徒法而不能以  
自行也而况於所謂社倉者聚可食之物於鄉井荒  
閒之處而主之不以任職之吏取之不以流徙之刑  
苟非常得聰明仁愛之令如高君又得忠信明察之  
士如今日之數公者相與并心一力以謹其出內而  
杜其姦欺則其法之難守不待它日而見之矣此又  
予之所身試者故并書之以告後之君子云慶元元

年三月庚午既望朱熹記

宜興嘉定修學記

葉適

戴君桷宰宜興既補弟子員食於學視學舍壯整者  
惟高君商老敬止堂羅令仲舒東序堂亦傾敝餘或  
闕或毀顧其士陳夢印章悉夫買旁縣材棟優工作  
疊二年復修廟堂設大門門左右挾前崇門櫺對立  
西序宗子小學凡職列之次故所無皆具然後俾沈  
夢龍來言曰噫可記矣荆溪禹貢中江也渚湫澄澈  
雲木縈帶君山最雄秀巖洞尤怪伟盡自楚漢爲東

南稱首近蘇公去萬里獨周覽天下擇陽羨而居其  
蹕展奧麗兼之矣方周孝侯童駿肆暴至比異物

旦感激殺虎斬蛟從陸士衡兄弟前死不卻顧大節  
尚生存或疑非地力之勁挺不能也熙寧更用經義  
士初昧溺於時開封禮部有二邵集英親策有余遷  
皆盛一京師之大四海之廣一邑而擅魁時者三或  
疑非地稟之文華不能也夫發於勁挺孰若納於中  
和年其文辭孰若厚其根本根本學也中和道也安  
能與哉關黨五鄉地耻其人也魯多儒衛多君子人

美其地也今夫逞之翹翹孤質游進於道必約以性道  
以心肝脾肺腎無恣其情念慮思索無撓其靈則偏  
氣不勝而中和全矣淺深於學必測之古證之令上  
該千古旁括百家異流研方始出一貫則枝葉為輕  
而本根重矣學與道會人與德合登高丘可以奋魯  
俯長流可以觀逝則山川雖富同遊於蕩載之內義  
理至樂獨行於物欲之外矣豈非令長修學之本意  
哉譽畫之溪猶浴沂也善卷之竇亦舞雩也非騷  
勦士專而有也嘉定十三年十月乙丑龍泉葉適

宜興岳鄂王廟記

周端朝

中興三十餘年事論底定於是岳武穆王以誼等宗  
社志還故疆爲名將第一安靈燭敬被于荆襄夏郢  
追胙王茅廟象震耀矣始建炎間虜酋南軼王柄位  
未盛巴提勁旅轉戰桐汭連奏大捷俘執僞置克復  
溧陽時巨盜旁午聞宜興殷實吸衆寇犯官旅雌伏  
縣郭占陷王亟引兵至境郭吉望風竄偃深匯王追  
奔殲盡還所掠輜舟百餘盜相挺未已率精銳數  
千計王多設方略降馬臯帽林聚馘張威武蹠厥方

駐軍張渚羣醜金清旁郡邑棄資儲來保宜興踰萬  
室方蹈躡孔棘賣城畔走近鎮畫邪不自保固而宜  
興外捍虜內攘盜存立無震王之勲烈雖降在一縣  
豈不偉歟比聯守將能盡爲是則石城湯池襟帶千  
里虜已無噍類矣余觀王抗志不撓誓滅強虜旣掃  
空祠庭通闢江漢然後舉肱河洛決皆燕趙迄以箕  
自借爲死生視留題金沙寺時氣槩已見英爽有知  
其當時夷門蹠居庸也而豈望報一邑安其香火之  
留哉其摧戦冤鬱以功爲謹而宜興之人實曰王之

恩我等父母也象設祭嘗卒與國家褒幽節謚之典  
相爲後先謂義不根人心亦豈然也顧山間里綿絕  
未稱嘉定十一年知縣事戴君桷甫止謂猶即周孝  
侯祠下慨然曰豐功而薄祀貴爵而附處縣大夫以  
政迪民者也其敢忘革平度地壇鳩材餘將爲新宮  
張侈祀事郡守趙侯崇模王之孫嘉興守珂咸佐其  
費合凡資用役不及民明年六月會材充築重堂富  
植臺廡森聳備服南面旌嘉儀雅邑人聞溢謹舞還  
念舊事嘆百年之愈不昌也著制禮主教民報云

地社稷品節降殺先蠶農師國里竭出本祖駿業雖  
培德性皆示民防範之至也忠名勇績其大者蓋已  
默扶邦烈顯開世道非一邑得私以爲賜而爲政者  
教民以不偷其必自豐報始矣相攸斯宇仰挹善卷  
之高俯激羣盡之清以詠歌王之德於無窮義間交  
暢善意周匝抑俾英材輩產以保乂王家茲不亦所  
望於邑之人乎戴君求嘉人端尹岷隱先生之冢嗣  
端尹嘗以盛心名命集予其爲政宜知本末是冒書  
十月既望從政卽本學錄周端朝記

宜興先賢祠堂記

真德秀

古者卿先生沒而祭于社夫社者報本之事也卿先生何功而祭于此廟蓋嘗深思社之爲羣祀首者以其產嘉穀育烝民而卿先生之重于卿亦以其蹈道廟秉德而牖民於善也育之以保正命牖之以全正性其功一爾然聖門所論必不得已寧去食以存信而君臣父子或失其正雖有粟不得而食焉教導闡明之功若是其重此所以祭於社百世無慚歟後世先賢有祠其人遠矣而言行風蹟彌縫具存鄉人子孫

猶有所觀法則雖歷千百祀不可思也陽羨自晉以來世有顯人若周孝侯遷舍之男死國之忠卓然爲百代標表繇梁而唐文章事業亦或間見可觀迨至國朝則若樂安蔣公儒術爲時所宗雖金陵猶推崇不敢後若古靈陳公則嘗守郡而卒葬于此東坡蘇公則買田築室而終于此二公之學行節守蓋皆世儒之塋域所藏寢廟所寄雖非其鄉而謂之鄉人可也若道卿鄒公則歸自嶺南一託宿于道流之館齋而邑之人至今曰吾鄒公也烏平民之秉彝好是

懿德若是非耶然自晋迄今惟周侯寔有廟饗餘未  
聞尸而祝之者宝慶三年凌儀趙侯與赵來宰宜興  
以扶教導人而咸秩予位又惟内翰汪公兵部侍郎  
王公簡惠文忘二周公亦近世鴻碩或家或寓皆用  
故事以祠九月望日安侑如禮俟於斯舉其欲邦人  
士君子相與奮發為道德之歸乎周孝公同我桑梓  
有為若是今昔豈殊吝心苟亡何過弗可改壯志一  
立何事弗可成雖然是非必襲其迹也昔吾先聖之  
教自春秋賢大夫如史魚之直子產之惠舉以告羣

弟子非一至其親切傳授則自僵而已苟仁矢天下  
萬善莫不具於其中以之事君而直以之養民而惠  
何者非仁之功用耶學者審能服膺洙泗之訓而以  
回雍所從者爲指歸則前脩之言行風蹟雖不規規  
求合吾見其無不合也祠在縣山川最勝處甫成而  
瑞木叶符異材奮興此其兆也俟於此多美政今皆  
不書獨書所以幸平宜興之士者是年十月乙未建  
安真德秀記

宜興復周孝公墓記

劉守

周孝公墓在陽羨荆溪之南北向廟當其前紹興中  
賜額曰英烈慶元初進封忠武公周氏自勛四世顯  
著其盛也一門五侯墓之存於今十有一莫詳其次  
然公必葬衣冠其中明甚歲久梵宇民居交侵賜地  
之存無幾近歲有岱巖起銅者所歸僅十之二旋復  
區分之鄱陽洪君惲軒道相君之孫好事行義其丞  
是邑也謂古興王之世必禮先賢之墓而法所得祀  
惟有功於民有勞於國與德災捍患以死勤事者公  
皆兼之又公之英烈襯標碑生顏廟未葺墓之來樵

第禁非所以崇明德昭尊典欲亟圖之而局於位會  
莫季年以選擇令慨然曰可矣乃周視棟宇鳩工庀  
材以櫨計屋冗弊而新之者十有八無而益之者十  
有四傾而正之者九漏而填之者十甓其壁而飾其  
像設什器與凡丹堊之漫漶者旣又巡行兆域辨其  
侵而勸相其遷繚之墻踰二百丈樹之杉松合萬有  
一千本又即墓之中故相朱公倬爲簿領時所築基  
亭焉以爲致敬之地弗先捐已故助者衆役不干時  
故作者力凡用石米二百緡錢千有五百其助竹木

而不受直者不計經始於歲癸未十有一月丙寅而成於明年正月朔洪君之爲力勤矣既成而屬余以記余雖不文以託名不朽為幸其何敢辭抑聞前輩謂慷慨殺身者易從容就義者難蓋慷慨殺身苟不勝一朝之忿者皆能之從容就義非況思審慮不輕用其身者不能也張子房每歲結客報仇眇秦皇如普鄙不幸為所及則淡荆軻游地下耳及聞圯上之言玩意薰石之編向者桃山倒海之氣如水反盤故能不出帷幄顛瀛踣頸公其斯人徒歟史稱公

少時縱情肆欲爲州曲患陸士衡爲公碑謂不偶於俗爲俗所誣徐鑠又以公爲任俠千載之下是否誠難臆決然竊意錯之言爲近蓋吳魏世讎吳自大帝之亡日逼於魏魏以曹休之敗深怨於勦則公之任俠即子房博浪沙中遺意其爲鄉里患者非公自爾蓋俠徒所萃其執則然及聞父老之言畧然自克又與子房圯下歸來異世一揆前輩以子房所遇爲秦之隱君子庸詎知公所遇非陽羨之隱君子歟遐想當時遇合之由進說之次第與公所以引咎自歸來

必大有可觀而史非班馬登載闕跡令人不慊故述  
之篇未以侈陽羨舊聞而附以詩俾歌以祀若公之  
官閣行治傳記已詳茲不復贅云南山兮嵯峨溪水  
湛兮平波波不驚兮山宋宋樵者喝兮漁歌遠宇兮  
煌煌嘉薦兮苾香公之至兮愉愉降我福兮穰穰飛  
龍駕兮翔鷺御公之來兮條而去宰木秀兮佳城慰  
武民兮千古歲嘉定甲申六月朔漫塘吏劉宰記

慧山新泉記

鍋底

及

此寺居吳西神山之足山多泉其高可憑而上山

下靈池異花載在方志山上有真僧隱客遺事故迹  
而披勝錄異者賤近不書無錫令敬澄字源深以割  
雞之餘考古案圖葺而築之乃飾乃塲有客竟陵陸  
羽多識名山大川之名與此峯白雲相為賓主乃稽  
厥創始之所以而志之談者然後知山之方廣勝掩  
他境其泉洑漏潛減濁潛舍下無址無竇蓄而不注  
深源因地勢以順水性始雙壅表之沼疏為懸流  
使瀑布下鍾甘溜湍激若醍醐乳噴發于禪床周于  
僧房潛注于德地經營于法堂潺潺有聲聆之耳清

瀝其源飲其泉使貪者讓躁者靜靜者勸道道者堅  
固境靜故也夫物不自美因人美之泉出於山發於  
自然非夫人疏之鑿之之功則水之時用不廣亦猶  
無錫之政煩民資深源溥之則千室襦袴仁智之所  
及功用之所格動若響晉其揆一也予飲其泉而悅  
之乃志羨於石

慧山寺記

陸羽

慧山古華山也顧歡吳地記云華山在吳城西北  
百里釋寶唱名僧傳云沙門僧顯宋元徽中過江住

京師彌陀寺後入吳憇華山精舍華山上有方池池  
中生千葉蓮華服之羽化老子枕中記所謂吳西神  
山是也山東峰當周秦間大產銅錫至漢興錫方磚  
故創無錫縣屬會稽後漢有樵客山下得銘云有錫  
兵天下爭無錫寧天下清有錫滲天下弊無錫又天  
下濟自光武至孝順之世錫果竭順帝東爲無錫縣  
屬吳郡故東山謂之錫山此則錫山之岑藪也南朝  
多以北方山川郡邑之名權創其地不以此山爲歷  
山以擬帝舜所耕者其山有九隴俗謂之九隴山或

云九龍山或云關龍山九龍者壘龍之形若蒼  
縹螭之合脊然關龍者相傳云隋大業末山上有龍  
鬪六十日因而名之凡聯峰脊嶂之中有柯山華波  
古洞陽觀秦始皇塢柯山者吳子仲雍五世孫柯相  
所治也華波者齊孝子華寶所築也古洞陽觀下有  
洞穴潛通包山其觀以天監年置隋大業年廢秦始  
皇塢場者村墅之異名昔始皇東巡會稽望氣者以  
金陵太虛之間有天子氣故掘而厭之梁大同中有  
青蓮華育於此山因以古華山精舍爲慧山寺寺在

無錫縣西七里宋司徒右長史湛義之家此山不故  
南平王鑠有贈答之詩江淹劉孝標周文信並遊焉  
寺前有曲水亭一名憩亭一名歇馬亭以備士庶投  
息之所其水九曲甃以文甈甃甓齋淪漫漫濯漱移  
日寺中有方池一名千葉蓮華池一名蘊塘一名浣  
沼歲集山姬野婦漂紗縷其砂皓之色彼耶溪鏡  
湖不類也池上有大同殿以梁大同年置因名之  
大同殿直上至望湖閣東北九里有上湖一名射

湖一名芙蓉湖其湖

南控長洲東洞汎陰北淹

晉陵周回一萬五千三百頃蒼蒼渺渺迫於軒戶閭  
西有黃公澗昔楚考烈王之時封春申君黃歇於吳  
之故墟則此也其祠宇享以醪酒樂以鼓舞禪流道  
伴不勝煙噪遷於山東南林墅之中夫江南山淺土  
薄不有流水而此山泉源滂滂崖谷下溉田十餘頃  
此山又當太湖之西北隅縈竦四十餘里唯中峰有  
叢篁灌木餘盡古石嵌磾而已九煙嵐所集發於蘿  
薜今石山橫亘濃翠可掬昔周柱史柏陽謂之神山  
豈虛言哉揚其至靈無當世之名藉其幽異爲訛俗

所棄無當世之名以其棟宇不完也爲訛俗所棄必  
其闢見不遠也且如吳西之虎丘丹徒之鶴林錢塘  
之天竺以其臺殿樓榭崇崇翼車輿荐至是有嘉  
名不然何以與此山爲儕列耶若以鶴林望江天竺  
觀海虎丘平眺郡郭以爲雄則曷若茲山絕頂下瞰  
五湖彼大雷小雷洞庭諸山以掌睨可矣向若引脩  
廊閣邃宇飛簷跳檻凌煙架日則江淮之地著名之  
寺斯爲最也此山亦猶人之秉至行負淳德無冠裳  
鐘鼎昌昌燁燁爲邇俗不有宜矣夫德者源也元

寰鐘鼎流也苟無其源流將安發乎故其源亦伺其  
流希它日之營立爲後世之洪注云

重修毗陵志卷第二十

重修毗陵志卷第二十二

詞翰三

詩

過廢山湛長史草堂

宋南平王劉鑠

茲山蘊靈詭。憑覽趣亦贍。九峯相接連。五渚逆縈漫。  
層阿疲且引。絕嵒暢方禁。溜衆夏更寒。林交晝常蔭。  
伊余久緇涅。復得味枯淡。願逐安期生。於焉愜高枕。

酬南平王

宋長史湛茂之

關戶守玄漠。無復車馬跡。衰發歸丘樊。歲寒見松柏。

身慙淮陽老矣梁園客。冒隱非市朝。追賞在山澤。  
離離挿天樹。磊磊間雲石。持此怡一生。傷哉駒度隙。

過歷山

齊竟陵王友江淹

愁生白露日。鬼起秋風年。竊悲杜衡墓。擣涕吊空山。  
落葉下楚水。別鶴唳吳田。嶂氣陰不極。日色半虧天。  
酒挹清蕭瑟。憑樽還復然。一聞清琴奏。歌泣方留連。  
沉沉客子念。直是絲竹間。

釣臺

梁任昉

道遇垂綸叟。聊訪問津惑。長泛滄浪水。平明至蘆葦。

蘭臺聚

陸  
倕

和風雜美氣下有真人游此矣荀文若賢  
陳太丘今則蘭臺聚方古信爲儔任君本識達張子復清流  
既有絕塵到復見黃中劉

和晉陵陸丞早春有懷

唐杜審言

獨有官游人偏驚物候新雲霞出海曙梅柳渡江春  
淑氣催黃鳥晴光照綠蘋忽聞歌苦調歸思已霑巾

贈從孫銘宰義興

李白

退食無外事琴堂向山開綠水寒以閒白雲有時來

題湛長史舊居

丘丹

無錫縣西郊七里有慧山寺即宋司徒古長史湛  
表之之別墅也舊名盛山故南平王劉鍇有過湛  
長史盛山草堂詩湛有酬味其文野而興特以松  
石自怡終見止足之意可謂當時高賢至齊竟陵  
王友江淹亦有繼作余登茲山觀三篇列于石壁  
仰覽遺韻若穆清風遽訪湛氏胄裔山下有三十  
餘族得十三代孫畧觀其譜書殘墨塵蠹年世雖  
邈然尚存余披宋史不見其人每惻歎恐失  
斯人也因復追緝六韻以次三  
賢之未貞元年歲在庚午

身退逃名累道存嘉止足設醴降華幡掛冠守幽谷  
偶尋野外寺仰慕賢者躅不見昔簪裾猶有舊松竹  
煙霞雖異世風韻如在矚余即江海入歸轍青山曲

送李侍郎赴常州

賈至

雪晴雲散北風寒  
楚水吳山道路難  
今日送君須盡醉  
明朝相憶路漫漫

宿慧山寺

吳武陵

戊辰秋八月吳郡宋濱景自秦還  
余及故人竇丹列會于慧山之精舍  
是時山林始秋高興在木涼風白雲起  
於座隅逍遙於長松之下偃息於磐石  
之上仰視雲嶺俯瞰寒泉夕陽西歸  
皓月東出群動皆息視身如空玄宮  
妙論以極窮奧丹列有遁世之志濱景有塵  
外之心余亦樂天知命怡然契合視富貴如浮雲  
一歌一詠以歸情性夫良時佳會古人所惜序述不作是闕文也  
詩道意以紀方外之遊  
山林之下景物秀茂賦

秋日遊古寺秋山正蒼蒼泛舟次岩壑稽首金仙堂  
下有寒泉流上有珍禽翔石門吐明月竹林含清光  
中夜何沉沉但聞松桂香曠然出塵境憂慮澹已忘

秋暮登北樓

秋蒲空山悲客心山樓晴望散幽襟一川紅樹迎霜  
老數曲清溪遶寺深寒氣急催遙塞鴈夕風高送遠  
城砧三年海上音書絕鄉國蕭條惟夢尋

送客

竇 犀

南渡登舟即水仙西垣有客思悠然因君相問爲官

意不買毗陵附郭田

得李滁州書以玉潭莊見託因書春思以詩

代荅

獨孤及

春物行  
持老懷君意詎堪朱顏因酒強白髮對花慙  
日日思瓊樹書書話玉潭知同百口累曷日辨  
搜參

題玉潭

碧玉徒強名水盡難比德惟當宋照心可並  
淵色

答李滁州見寄

相逢遽嘆別離牽三見江臯蕙草鮮白髮俱生  
歡未

尋滄洲獨往意何堅愁看郡內花將歇忍過山中月  
屢圓終日望君休汝騎愧無堪報起予篇

奉寄獨孤常州時家深幽居在義興益增懷  
思

李幼卿

近日霜毛一菴新別時芳草兩廻春不堪花落花開  
更况是江南江北人薄宦龍鍾心謾懶故山寥落水  
淵緣君愛我疵瑕少願鴟仁風寄老身

戲和賈常州醉中二絕

白居易

聞道此陵詩酒興近來積漸學姑蘇暮雨新金從偷

去刮骨清吟得似無

越調管吹留客曲吳吟詩送暖寒盃  
宮無限風流事好遣孫心暫學來

酬常州陳郎中使君

新年多暇日晏起褰帷坐睡足心更慵日高頭未裹  
徐頓下藥酒稍煎茶火誰伴宋寥寂無絃琴在左  
遙思毗陵館春深物嫋娜波拂黃柳梢風搖白梅朵  
衙門排曉戟鈴閣開朝鎖太守水西來朱衣垂素舸  
良辰不易得佳會無由果五馬正相望雙魚忽前墮

魚中獲瑰寶持玩何磊呵一百六十言字字靈珠顆  
上申心欵曲下叙時輒轉才富不如君道孤還似我  
敢辭官還慢且貴身安妥勿復問榮枯冥心無不可

送楊八給事赴常州

無嗟別青瑣且喜擁朱輪五十得三品百千無一人  
須勤念黎庶莫苦憶交親此外無過醉毗陵何限春

夜聞賈常州崔湖州茶山境會想羨歡宴因

寄此詩

遙聞境會茶山夜珠翠歌鍾俱遙身盤下中分兩州

界燈前合作一家春青娥

舞應爭妙紫眉齊嘗暮

關新自歎花時北牕下蒲黃酒對病眠人

晚春閒居

工部寄詩楊常州寄茶同到因

以答之

宿醒宋寘眠初起春意闌珊日又斜勸我加餐因早  
筍恨人休醉是殘花悶吟工部新來句渴飲毗陵遠  
到茶兄弟東西官職冷門前車馬向誰家

送李校書趁寒食歸義興山居

久見騰騰詩酒客不憂生計似君稀到家將作寒

食蒲船唯載樹裁歸

看常州柘枝贈郭使君

莫惜新衣舞柘枝也從塵汚汗沾垂料君郎却歸朝去不見銀泥衫故時

題茶山

杜牧

山實東南秀茶稱瑞草魁剖符雖俗吏脩貢示儻才  
溪盡停蠻棹旗張卓翠苔柳村穿窈窕松澗渡喧喧  
等級雲峰峻寬平洞府開拂天聞笑語特地見樓臺  
泉嫩黃金湧山有金沙泉脩貢即絕才香紫壁裁拜章朝沃

月輕騎疾奔雷舞袖藍侵潤歌聲谷谷迴磬  
■藏書  
鳥雪艷照潭梅好是金家到兼爲鳳詔來樹陰香作  
帳花逕落成堆景物殘三月登臨懷一盃重游正  
刻倪首入塵埃

茶山不作

春風最窈窕日晚柳村西嬌雲光占岫嵒水鳴分溪  
燎巖野花遠更愁幽鳥啼把酒坐芳草亦有佳人攜  
入茶山下題水口草市

倚溪侵領多高樹誇酒書旗有小樓驚起鶯鶯豈無

恨一雙飛去却回頭

春日茶山病不飲酒呈賓客

笙歌登畫船  
十日清明前  
山秀白雲風  
溪光紅粉鮮  
欲開未開花半陰  
半晴天誰知病太  
守猶得作茶仙

贈許七侍柳

天子繡衣吏東吳  
美退居有園同便信  
避事學相如  
蘭畹清香嫩筠溪翠影  
疎江山九秋爲風月六朝餘  
錦肆開詩軸青囊結道書  
霜沾紅壁勿客沿皇華  
累睡雨高梧密暮燈小閣虛  
凍酌元亮和寒館云鷺魚

塵意迷今古雲情識卷舒他年雪中棹陽羨訪

李侍郎於陽羨里富有泉石某亦於陽羨粗

有薄產叙舊懷因獻長句四韻

雪

冥鴻不下非無意鑿馬歸來是偶然紫綬公卿今放  
曠白頭郎吏尚留連終南山下拋泉洞陽羨深中買  
釣船欲與明公操履杖願聞歸去是何年

却望無錫芙蓉湖五首

丹樹村邊煙火微碧波深處鴈初飛蕭條落葉垂楊  
岸隔水寥寥聞搗衣

水寬山遠煙風迥柳岸萦回在碧流清畫不風鳴鴈  
少知疑初夢鏡湖秋

逐波雲采參差遠背日嵐光隱見深猶似望中連海  
樹月生湖上是山陰

舊山認得煙嵐近河水平鋪碧岫間喜見雲泉還悵  
望自慙山叟不歸山

翠峯幽谷分明處倦鳥歸雲在眼前惆悵白頭翁四  
老遠隨塵土去伊川

別泉石

晴沙見底空無塵青石潛流暗有聲微動松風涵漸  
瀝細浮竹月透輕盈桂凝秋露凝靈波茗拆春芽汎  
玉英應是梵宮連洞府浴池今作醉泉清

憶慧山寺

故山一別光陰改秋露殘蟬歲月多松下壯心年少  
去池邊衰影老人過白雲生滅依嵒谷青桂榮枯託  
薜蘿惟有此身長是客又驅於旆寄煙波

重到慧山二首

望中白鶴憐歸翼行處青苔恨昔遊遠向竹牕名姓

二二七  
下數行添記別離愁

碧峰依舊松筠老重得經過已白頭俱是海天黃葉  
信兩逢霜節菊花秋

寄毗陵楊給事

虞卿三首

劉禹錫

揮毫起制來東省蹀足修名謁外臺好著纊韻莫惆  
悵出文入武是全才

曾主魚書輕刺史今朝自請左符來青雲直上無多  
地却要斜飛取勢回

東城南陌昔同遊坐上無人第二流屈指如今已零

落且須歡喜作鄰州

楊給事新樓

文昌星象盡東來  
油幕朱門次第開  
且上新樓看風月  
會乘雲雨一時回

張公洞

李一括箇

一迎深窈窕上升翠微中忽然靈洞前日月開僊宮  
道士十二人往還馭清風焚香入深洞巨石如虛空  
夙夜備蘋藻詔書祠張公五雲何徘徊玄鶴下蒼穹  
我本道門子願言出塵籠掃除方寸間機與神靈通

宦官勤夢想契之在深裏遲迴將不還章綬繫我躬  
稽首謝眞侶辭蒲歸

題慧山寺

許渾

排空殿塔倚嵒巒秋韻經聲月裏寒兩眼流泉清戶  
牖九龍飛雨洒欄干鼈沙魚弄金池影聽供鳥啼施  
食盤借問繡衣車馬客幾時林下脫儒冠

題衛將軍廟

武牢關下護龍旗挾槊彎弧馬上飛漢業未興王霸  
在秦兵纔散魚連歸墳塋火澤理金劒廟枕長溪掛

鐵衣欲莫英蒐何處問  
葦花楓葉雨霏霏

題天申宮殿前冬青樹

霜葉不凋色兩株交石壇  
未秋紅實淺經夏綠陰寒  
露重蟬鳴急風多鳥宿難  
何如西禁柳晴舞玉欄干

晚次荆溪呈崔明府

張祐

艤舟陽羨館飛步繞踈檻  
山暝木裏碧月涼煙樹清  
長橋深夜影遠檣下溪聲  
況是無三晝絃歌初政成

題陸塘金沙洞居

東溪泉一眼歸卧恨高踈決冰  
金沙盤梯雲石壁虛

細吟搔短髮深語笑長裾慕清金品常間入洛初

題善卷寺

碧南一寺最勝是僊源峻坂依嵒壁清流注洞門  
金函崇寶藏玉柱閉靈根寄謝香林客高蹤不可援

題慧山普利寺

舊宅人何在空門客自過泉聲到池面色上樓多  
小洞穿斜竹重階夾細莎慙動重城市雲水暮鍾和

題李瀆山居玉潭

古樹千夜色蒼崖百尺暝鑿泉氣靜神駭玉光沉

青冥小中連碧海深何當煙月下一聽夜龍吟

投常州從兄中丞

扁舟何所往言入善人邦舊愛鵬搏海今聞虎渡江  
士因爲政樂儒爲說詩降素履冰容淨新詞玉韻縱  
金魚聊解帶畫鷁稍移櫓邀妓思逃席留賓命倒缸  
更材誰是伍經術世無雙廣廈當宏構洪鍾併侍撞  
成龍須讓邴展驥莫先龐應念宗中末秋螢照一窓

夜泊毗陵無錫縣有寄

羅隱

草蟲幽咽樹初團獨繫孤舟夜色闌濁浪執奔吳苑

急踈鍾聲出慧山寒愁催鬢髮彫何易貧戀家鄉別漸難他日親朋應大笑始知帛劍是無端

登慧山北樓

皇帝舟

秋興因花蝶歸心過遠山風霜征鴈早江海旅人閒  
驛樹雲仍密漁舟晚自還仲宣何所賦祗嘆在荆蠻

送張陟歸常州

夜雨頻停棹秋風暗入衣見君常北望南歸却調歸

洞靈觀

孤煙洞靈觀積雪暮春山寒松柏凌高殿萬古對石壇

客來清夜久僊去白雲殘明日開金鑑焚香文淥蘭

三月三日義興李明府汎舟

江南煙景復如何聞道新亭更可過處處藝蘭春浦  
綠萋萋新草遠山多壺觴湏就陶彭澤風俗猶<sub>唐</sub>永  
和更使輕橈隨轉去微風落日水無波

無錫惠山寺汎泉歌

寺有泉兮泉在山鑠金鳴玉兮長潺潺作潭鏡兮澄  
寺內泛巖花兮到人間土膏脉動知春早隈隩陰深  
長苔草屢處繚回石磴喧朝朝盥漱山僧老林松自

古草自新清派活活無冬春任跋鑿兮與汲引各有  
意兮山中人偏依佛界通僊境明滅玲瓏媚林嶺宛  
如太空臨九潭詎減天台望三井我來結綬未經秋  
已厭微官憶舊游且復遲回猶未去此心只爲靈泉  
留

賦得荆溪夜湍送蔣逸人歸義興山

驚湍流不極夜度識雲岑長帶溪沙淺時因山雨深  
方同七里路更逐五湖心竭厲朝持夕漫漫古望今  
花源若許到雖遠亦相尋

寄高雲

南徐風日好悵望毗陵道  
毗陵有故人一見恨無因  
獨戀青山久唯令白髮新  
每嫌持手版時見著頭巾  
煙雨臨寒景農桑起仲春  
家貧仍嗜酒生事令人何有  
芳草遍江南勞心憶攜手

送魏十六還蘇州

秋夜沈沈此送君陰蟲切切不堪聞  
歸舟明日毗陵道回首姑蘇是白雲

題高雲客舍

孤興日自深深處非所便。愁中西城峻樹外東川廣。  
晏起簪葛巾。開吟倚藜杖。阮公道在醉莊子。生恒養  
五柳轉扶疎。千峰恣來往。清秋香穫成白雲。寒菜長  
吳國帶風煙。平陵延夢想。時人趣纓舟。高鳥遠羅網。  
世事徒糾紛。吾心方浩蕩。唯將山與水。處處詣真賞。

秋吟

高蟾

陽羨溪聲冷。駭人洞庭山。翠晚凝神天。將金玉爲風。  
露。曾爲高秋幾度貧。

息舟荆溪。陽羨。南山遊。寄李幼曹。

巨

竿士諤

結纜蘭渚曉，柴車上連岡。  
晏溫值初霽，去遶山何長。  
獻歲冰雪盡，細泉生路傍。  
行披煙杉入，激瀾橫石梁。  
層閣表精廬，飛甍切雲翔。  
冲襟得高步，清眺極遠方。  
渾崕積佳氣，羨英多早芳。  
具觀澤國秀，重使春心傷。  
念遠煩促途，榮利驚蹀光。  
勉君脫冠意，共匿無何鄉。

和常州崔使君寒食夜

孫逖

聞道清明近，春庭向夕閒。  
行遊春不厭，風物夜宜看。  
斗柄更初轉，梅香暗裏華。  
燭晴月在南，端

和常州刺史君談梅食

聞說梅花落江南  
春意深更傳千里  
外來入越人吟  
羽幹紅粧倚簾香  
翠羽尋庭中自公日  
歌舞向芳陰  
梅院重門掩遙遙  
歌吹邊庭深人不見  
春至曲能傳  
花落彈棊處香來薦  
枕前使君停轡行樂此  
中偏

題天申宮三首

宋維

破闕盤空壓巨鱉  
洗然靈迹助風聲  
龍吟洞雲  
冷玄鶴唳頻  
山月高深谷羽童  
擦石齒吸青霞  
飲  
櫻桃可憐不悟長生者  
塵裏區區駭鬢毛

中峰嘉樹綠陰陰洞裏靈蹤已徧尋欲下山門又回首數聲清磬白雲深

雲嵐風滿袖倚嵒品扉龍窟寒生夜睡遲一曲朱絃誰與聽月斜風撼碧桃枝

贈僧二首

顧況

家住義興東舍溪溪邊莎草雨無泥上人一向心入定春鳥年年空自曉

出頭皆是新年少何處能容老病翁更把浮雲喻坐滅世間無事不虛空

宿荆溪呈岳義興

嚴維

失路荆溪上依仁忽膜投長橋今夜月陽羨古時州  
野燒明山郭寒更出縣樓先生能館我何事五湖遊  
送客歸常州

楊凝

行到河邊從此辭寒天日遠暮帆遲可憐芳草成衰  
草公子歸時過綠時

自蘇臺泛舟至望亭驛因寄從弟紓

李嘉祐

南浦菰蒲覆白蘋東吳黎庶逐黃巾野棠自發空流

水江燕初飛不見人遠樹依依始送客平田渺渺獨  
傷春那堪回首長洲苑烽火年年報虜塵

送陸士倫之宜興

陽羨蘭陵近高城帶水間淺流通野水綠苔滿春山

自常州還江陰道中

處處空籬落江村不忍看無人花色慘多雨鳥聲寒  
黃霸初臨郡陶潛未罷官乘春務征伐誰肯問凋殘

晚春宴無錫蔡長官西亭

茅簷閑宋宋無事覺人和井近時澆圃城低下見河

興綠芳草積情向遠峰多別歸吳地停橈更一過

常州常郎中汎舟見餞

主人憑軾貴送客汎舟稀過岸隨芳草回橈背落晖  
映花雙節駐臨水伯劳飛醉與辭公狎春塘露冕歸

寄毗陵徹公

身依吳寺老黃葉幾回看早講林霜在孤禪隙月殘  
井通潮浪遠鍾與角聲寒已有南游約誰言禮謁難

送董正字常州觀省

賈島

相逐一行鴻何時出磧中江汎翻白浪木葉落青楓

輕檝浮吳國繁霜下楚空春來歡侍阻正字在東宮

又

姚合

路岐知不盡離別自無窮行客心方切三人樽半空  
楚檣收月下江樹在潮中人各還家去還家慶不同

又

釋 無可

暫辭離校未發見新鴻路入江波上人歸楚邑東  
山遙晴出樹野極暮遲空何以念兄弟應思潔膳同

又

馬戴

去觀一作毗陵日愁望淮水北流垂石城古山闊海

門空灌水寒  
槁遠聲波皎月同  
何當復讌校春集少  
陽宮

贈常州院僧

姚合

一生毗陵寺僧應極苦緣院貧人施食窓靜鳥覩禪  
古磬聲難盡秋燈色更鮮仍聞闡講日湖上少漁船  
送喻先校書歸毗陵

主人庭葉黑詩豪更誰書  
關子科名出庭中賦籍除  
山春煙樹舉江晚違帆踈吾亦家吳者無風到蘋廬

題陶詒隱居

方干

芳香著裏從容步陽羨  
山中笑傲情竿底此無聊釣  
伴花邊白犬吠流鶯

送江陰霍明府之任

遙遙去舸新侵郭  
蒼蒹頻樹列巖灘  
鶴卿多駿浦人  
虹分陽氣雨浪隔  
廣陵春知竟三年  
快琴書外養資

送義興元少府

李端

逢君惠連第初命  
使光輝已得羣公祖  
微妨太傅識  
路長人返顧草盡蕪  
回飛本是江南客  
還同衣錦歸

送晉陵王少府赴選

相看不忍盡離觴。寧風遠去檣。遠驛新砧應弄月。初程殘角未吹霜。越山直下分吳苑。淮水橫流入楚鄉。珍重鄉家好。况弟明年祿位在何方。

懷金鵝沈山人

盧一全

君愛煉藥藥欲成。我愛煉骨骨已清。試自比較得仙者也。應合得天上行。天門九重高崔嵬。青空繫出黃金椎。夜义守門晝不啓。半夜醮祭半夜開。夜义喜懽動。閨鎖鎖生擾。地生風雷地上禽獸重。食性命血化飛黃。埃太上道君蓮花臺。光明隔闊安在哉。嗚呼。

沈君大藥成兼湏巧會鬼神情無貪長生喪厥生

邵博士溪亭

李郢

野茶無限春風葉溪水千重返照波只去長橋三十里誰人一解枉枕過

秋晚寄題陸勲校書義興禪居時淮南從事  
禪居秋草晚蕭索曩前時蓮幙青雲貴翶翔絕後期  
辭房檻染掩山砌石盆欹効轉農趨靜笙歌夜散逢  
谷寒霜狹靜林晚磬蟲悲惠遠煙霞在方平杖屢墮  
骨清須貴達神重有威儀萬卒千蹄馬橫鞭從信騎

茶山貢焙歌

使君安客情無已客在金臺價無比春風三月貢茶  
時盡逐紅旌到山裏焙中清曉朱門開筐箱漸見新  
芽來陵煙觸露不停採官家赤印連帖催朝飢暮匐  
誰興哀喧闐競納不盈掬一時一掬還成堆蒸之額  
之香勝梅研膏架動轟如雷茶成拜表貢天子萬人  
爭噉春山摧駔騎鞭急若流電半夜驅夫誰復見十  
日王程路四千到時須及清明宴吾君可謂納諫君  
柬官不諫何由聞九重城裏雖食天涯遠

紛使君憂民慘容色就焙嘗茶坐諸客幾回到口重  
咨嗟嫩綠鮮芳出何力山中有酒亦有歌樂營房戶  
皆仙家仙家十隊酒百斛金絲宴饌隨經過使君是  
日憂患多客亦無言徵綺羅殷勸繞焙復長嘆官府  
例成期如何吳民吳民莫憔悴使君作相期蘇爾

春日自吳門之陽羨道中書事

曹松

勝異尋遊應未遍路岐猶去歲時還浪花湖闊虹蜺  
斷柳線村深鳥雀閒千室綺羅浮畫檻雨州絲竹會  
前山眼前便是神仙事何必湏言洞府間

周平西墓

權德輿

英威今宋寔陳迹對崇丘壯志清風在荒墳百口愁  
窮泉那復曉喬水不知秋歲歲寒塘側無人水自流

題獨孤常州湖上林亭

劉長卿

出樹倚朱欄吹繞引上官老農持鍤拜

捲簾看

水對登龍淨山當建隼寒夕陽湖草動秋色清田寬  
渤海人無事荊州客獨安謝公何足比來往石門難

毗陵留別

朱放

別離非一處此處最傷情白髮將春草相隨日日生

題慧山寺

皮日休

赤葉蓮花舊有香半山金刹照方塘殿前日暮高風起核子聲聲打石床

懷錫山藥名離合二首

暗賓養泉容決決明園護桂放亭亭歷山居處當  
半夏裏松風儘足聽

曉景半和山氣白微香清淨雜纖雲實頭事是眠平  
石腦側空林看鹿群

又二首

陸龜蒙

鶴伴前溪裁白杏入來陰洞曉桔槔深境靜日欲  
落石上未眠聞遠鍾

佳句成來誰不伏神丹偷去亦須防風前莫怪携詩  
藁本是吳吟蕩漿卽

山居即事二首

陸

希聲

君山蒼翠接青冥東走湖上洞庭茆屋向陽枕白  
日荷牕深夜誦丹經漏泉回沈魚龍悉石鼈膾鱉  
獸形爲問時金馬客此焉還作少微星

高  
鳥

枕四合雲山 借畫屏五鹿歸來  
矜犧獄孤鴻飛去入冥冥君陽遯  
叟何爲爾一炷清香兩卷經

苦竹徑

山前無數碧琅玕一逕陰森五月寒  
世上何人憐苦節應須細問子猷看

梅花塢

凍梨凝香雪艷新小山深塢伴幽人  
知君有意凌寒色羞共千花一樣春

石兜臺

大河波浪激漣闊青兕胡爲伏此山遙想楚王靈  
澤蜺旌羽蓋定空還

講易座

年逾知命志亦堅獨向青山更絕編天下有山山有  
水養蒙肥遞正翛然

觀魚

惠施徒自擗多方謾說觀魚理未長不得莊生濠  
盲江湖何以見桓石

綠雲

六月清涼綠樹陰小亭高卧滌煩襟羲皇上何人  
到永日時時弄素琴

清輝堂

野人心地本無機爲愛茆堂倚翠微盡日禱前誰是  
客秋山寒水有清輝

觀妙庵

妙理難觀旨甚深欲知無欲是無心茆庵不異人間  
世河上真人自可尋

西陽亭

隔林殘日照孤亭。玄晏先生酒未醒，入夜莫愁迷下路。  
著人猶似逐流螢。

弄雲亭

自知無業致吾君，只向空山弄白雲。已共此山私斷當，不須轉輒重移文。

伏龍堂

盤厓蹙縮似靈龜。谷先生隱遯時，不獨忘懷經世志。白雲流水是心期。

桃花谷

君陽山下足春風  
滿谷仙桃照水紅  
何必武陵源上  
去澗邊好過落花中

含桃圃

小圃初晴風露光  
含桃花發滿山香  
看花對酒心無事  
但覺春來白日長

茗坡

二月山家穀雨天  
半坡芳茗露華鮮  
春醒酒病兼消渴  
惜取新芽旋摘煎

松嶺

屐上春松手自裁已能蒼翠映毒苔  
寒本是君家事好送清風月下來

桃蹊

芳草霏霏遍地齊桃花脉脉自成蹊也知百舌多言語任向春風盡意嚦

李逎

一逎穠芳萬葉墳風吹雨打未摧殘憐君盡向高枝發應為行人要整冠

鴻磐

落落飛鴻漸始憇青雲起處剩須看如今天路多  
縹緲縱使衝蘆去也難

題毗陵驛

南唐徐鉉

曾持使節駐毗陵長與州人有舊情爲報驛橋風月  
道舍人鬚鬢百千莖

題馬跡山

僧文鑒

瀛洲西望沃洲山在平湖縹渺間常說使君千里  
馬至今龍跡尚堪攀漢柳使君爲雍州刺史乘竹馬歸山

題武烈廟

江南道士任右元

松竹蕭蕭野笛悲宋寥永雪對旌旗前山月夜陰風  
起袖去神來人不知

重修毗陵志卷第二十二

重修常州府志